

絕險挽牽懸藤偃木以過日正中僅到山巔望見永嘉大江如一線白李孝光云比從天台來入古東甌郡境上望見西南有山相向立如兩浮屠遊者咸曰此雁山門戶也深入視羅漢洞東西天柱大龍湫猶人有眉目十八寺皆肺腑也文人之所次第如此余聞之士人言秋遊雁蕩以南土溫溽春氣氤氲有毒螫至草木黃落方可入予將問途有告余者曰雁山循崖而南百里如畫自樂清道白河芳林逾窰畧過長嶰原經古塔本覺寶冠石門諸寺出白溪驛謂之右路自黃巖由白若嶺入石梁過靈巖逾馬鞍至能仁出長嶰抵窰畧謂之左路馬鞍嶺其分界云東谷